

ԲՆԱԿԶՈՒԹՅՈՒՆԸ

ԶԱՆԳԵԶՈՒՐԻ ԲՆԱԿԶՈՒԹՅԱՆ ԾԱԳՈՒՄԸ

Պրոֆ. Արարատ Ղարիբջանի առաջարկած մեկնաբանութեամբ՝ ուրեմն Զանգեզուրի բնակչութիւնը խառնուրդ է երկու ազգագրական տարրերի: Որո՞նք են այդ տարրերը, ո՞րն է հնագույնը, ինչպե՞ս է երևան եկել երկրորդ տարրը և որտեղի՞ց է ներս թափանցել: Շեշտելի է այստեղ այն, որ Ստեփաննոս Օրբելյանը միշտ իրարից առանձնացնում է տեղական իշխանական դասի մեջ Սիսակից և Հայկից ծագած տները և չի համարում, հակառակ հորենացուն, Սիսակին Հայկի տոհմից՝ Գեղամից առաջացած: Արդյո՞ք հիմք կա այսպիսի հակադրութեան համար:

Ի՞նչ է թնիկ խմբին էին պատկանում հնագույն բնակիչները: Անշուշտ նրա մարդաբանական առանձնահատկութիւնները պիտի պահպանված լինեն և ներկա բնակչութեան մեջ: Ինչ նոր տարրեր էլ ներթափանցած լինեն ավելի ուշ, երբեք չի կարելի այն կարծիքը պաշտպանել, իբր թե նորեկները իսպառ ոչոն-չացրել են նախկին բնակչութեանը կամ բոլորովին դուրս են մղել նրան նրա բուն հայրենիքից: Զանգեզուրում էլ տեղի պիտի ունեցած լինի տեղացիների և եկվորների օրգանիկ միաձուլման պրոցեսը: Սովորաբար այդպիսի միա-խառնման միջոցին ավելի ուժեղ են հանդես գալիս տեղական շերտին պատկանող հատկանիշները, որպես տեղական աշխարհագրական պայմաններին դարերի ընթացքում ավելի հարմարվածներ: Կատարված պեղումների ժամանակ անհրաժեշտ զգուշութեամբ չեն հանվել քարե և բրոնզե դարերի և ավելի ուշ ժամանակաշրջանների կմախքներն ու մասնավորապես գանգերը և մինչև այժմ բնականաբար անհնարին է եղել նրանց մարդաչափական հետազոտութեան ենթարկել և ապա համեմատել կենդանի մարդկանց վրայից վերցրած մարդաչափական տվյալների հետ:

Զանգեզուրում առաջին մարդաչափական աշխատանքները կատարել է Մերձավոր արևելքի ժողովուրդների մարդաբանական տիպերի հետազոտութեամբ առանձնապես պարապած Ֆրանսիացի գիտնական էրնեստ Շանտրը, որը իր կնոջ ուղեկցութեամբ 1890 թվի մայիսի վերջերին և հունիսի սկզբնե-րին այցելել է Զանգեզուր և այդտեղ չափումներ կատարել: Սակայն առհա-սարակ հայաբնակ գավառներում նրա չափագրած 249 (39 կին և 210 այր մարդ) անհատներից ո՞րքանն են Զանգեզուրի երեք գավառակներում ապրողնե-րը, ի՞նչ միջին ցուցանիշներ է նա հանել նրանց նկատմամբ, արդյո՞ք տար-բերութիւններ կան Սիսիանի, Զանգեզուրի, Գորիսի և Կապանի հնուց տեղացի